

## 10 تفسير سورة العنكبوت (1) من قول الله تعالى (ألم أحسب الناس أن يتركوا) الآيات 2-1

شوقى عبدالصادق

الحمد لله والصلوة والسلام على سيدنا رسول الله وعلى الله وصحبه ومن والاه وبعد سلام الله عليكم ورحمةه وبركاته ثم اما بعد. بدء

00:00:00 كريم مع سورة العنكبوت بداية القرآن الكريم كتاب فخر واعتزاز وعدل -

ودين ودولة وكل حاجة حلوة لما يقول لك ايه العنكبوت لها صورة هاي ايه عنكبوت احنا بنضره بالمقشة له صورة عندكم في القرآن؟ ايوة له صورة ما هو الانسان برضو له صورة مش فيه الانسان له صورة ولا ما لوش - 00:00:25

والنمل له صورة عقبالك ومش عيب ابدا والنحل له صورة لا يعيي القرآن عشان هو الكتاب الوحيد اللي موجود حاليا الموجود حاليا

00:00:48 بيحترم الكائنات اما الكتب الموجودة عشان هي ملعوب فيها -

ما تحترم الكائنات الكتاب بتاع اليهود يحترم اليهود بس بتاع النصارى يحترموا النصارى وبس الباقي دمر شين بيد مع المصلحة حيس يدور مع المصلحة حيس بعض فما فيش كتاب على وجه الارض يحترم المخلوقات الا القرآن - 00:01:15

والسنة طبعا اخته اما التوراة اللي نزلت من عند رب العالمين كلام رب العالمين ما فيهوش حاجة والانجيل كذلك. انما هم فين؟ هم فين؟ قرآنا قال لنا ان هم - 00:01:40

اتلعب فيهم اخفوا ما اخفوه وازهروا ما ازهروه بدلوا وغيروه وكتبوا باليديهم فوبل للذين يكتبون الكتاب باليديهم ويقولون هو من عند الله اه من عند الله اه لكن عندنا لا سيدنا النبي ما كتبش حاجة - 00:01:54

والصحابة ما كتبوا حاجة هم كتبوا اللي قرأوا عليهم الرسول ما كتبوا حاجة باليدهم ابدا ولا يجرؤ انسان يكتب باليده حاجة المهم عندنا سورة اسمها سورة العنكبوت ولا تضر قرآنا في حاجة ولا تقصوا حاجة - 00:02:17

سواء بقى احنا احترمنا العنكبوت ضربناه بالمقشة رشيناه بالبيروسول ايا كان بس هو له ايه ها؟ صورة. له صورة. كائن يعتبر وكائن 00:02:36 يحترم وصورة ايه؟ مكية طبعا ما حدش اعترض عليها من اهل مكة -

ولا من اهل المدينة. امال مين اللي بيعرضوا اشياه اشياه البشر اللي هم الحمر التي تحمل اسفارا. الموجوديناليومين دول الحمر زمن الحمر والحر جمع ايه اه هم دول يعرضوا ممكنا يعرضوا الحاجات دي. انما طبعا لا ما بتوع مكة اعترضوا ولا قالوا ايه ده - 00:02:55

مثل الذين اخذوا من دون الله اولياه كمثل العنكبوت اخذت بيته ما قالوش الا ابدا ولا اي حاجة هم طبعا يبصوا للایة ويبيصوا للمسل 00:03:21 ويقولوا احنا المقصودين صعبة صعبة اخذوا من دون الله اولياه -

هيقولوا احنا المقصودين. المهم سورة مكية يعني ايه؟ بتعلن عقيدة الناس. الناس عقیدتها خربانة في ساعة زمن نزول القرآن 00:03:42 ودلوقتي ول يوم الدين عقيدة الناس خربانة خربانة بمعنى الكلمة يعني ما فيش -

ايش يقع في شركيات واساتذة في الجامعة وفي كليات شرعية كمان ويقعوا في الشركيات والامور تلتبس عليهم ياتي القرآن المكي 00:04:07 يفهمك ويعلمك ويأخذ باليدك دي في امور العقيدة. امور العقيدة دي مهمة جدا جدا -

قال طبعا ان هي مكية كتير كل المفسرين تقريبا قالوا ان هي مكية عدد اياتها تسع وستون اية. تسعه وستين اية كلماتها تسعه وثمانون اية كادت كلماتها عفوا عادت كلماتها - 00:04:27

تسعمائة تسعمائة وثمانون كلمة والحرروف اربعة الاف ومئة وخمسة وتسعون حرفا كل حرفا اية لوحده الغريب بقى اللي انا لقيته  
لقيت ان كل السورة اللي بدأت بالف لام ميم - [00:04:48](#)

كلها اللي بدأت بالف لام ميم خلق العلماء خلوا الالف لام ميم اية مستقلة الف لام ميم را عادي مش اية. الف لام ميم صاد مش  
اية الف لام راء مش اية - [00:05:11](#)

اما الف لام ميم خلوها اية قائمة بزاتها كده هل هم خدوا دي من حديث النبي لان الرسول عليه الصلة والسلام لما اتكلم عن الاحرف  
المقطعة ذكر الف ولام ميم بس - [00:05:30](#)

فلما قال من قرأ حرفا من كتاب الله كتبت له به ايه؟ حسنة. والحسنة بعشر امثالها. لا اقول يقول كده لا اقول الف لام ميم حرف ولكن  
الف حرف ولام حرف وميم حرف - [00:05:45](#)

فهل والله اعلم صنفوها وبقت اية مستقلة مستقلة. قائمة زاتها كده تلات حروف اية واية يعني حاجة دليل على الاعجاز. اية اية يعني  
ايه؟ حاجة معجزة والكلام قلناه كثير قبل كده على الحروف المقطعة. وما زلنا بنقول - [00:06:06](#)

الحروف المقطعة اعجاز اعجاز ما هو ده القرآن اللي من الالف واللأم والميم. اعملوا زيه وانتم عارفين الالف واللام والميم والراء  
والسين والصاد. تمانية وعشرين حرف كل اللي بيتكلم بدعة العربية عارف - [00:06:30](#)

واللي مش عارفها يعرفها سهلة جدا تتعلم الحروف وتعلم قرآن يعني ان كنت تعرف تعمل اعمل وشف كده نهار ما تطلعه بقى  
وتطبعه وتقرأه على الناس شف هيكون منزرك ايه - [00:06:48](#)

ممكنت عمل وممكنت ممكنت مسل او او جهة تتجمع مع بعضها ويعملوا قرآن ممكنت طب بس خلية يعلموه كده ويطلعوه ويقرروه  
على الناس كده. شف رد الفعل هيبيقي ايه - [00:07:04](#)

كان فيه مسل زمان لما يحبوا يغيظوا واحد يقوموا يمشوا وراه ويقولوا ايه العبيط اهو شفتم حاجة زي كده ها طب خلي اي حد  
يعمل حاجة زي كده تلاقي العيال في الشارع على طول. العبيط اهو - [00:07:19](#)

اللي هو مين اللي هيقرأ بقى خلية يقرأ كده ويقول ولذلك اصحاب الكتب الثانية ما بيقرأوها ليه ويسمعواها للناس ليه احنا عندنا  
الصغرى والكبير يقرأ لا ولادي يقرأ ومسابقات شفته على في مسابقة في التوراة - [00:07:37](#)

مش كده؟ شفتم حاجة زي كده؟ في في شفت مسابقات في الانجيل - [00:07:58](#)  
بيت كرشة اي حاجة شفتم حاجة زي كده؟ في في شفت مسابقات في الانجيل - [00:07:58](#)

طب ليه مكسوفين منه مكسوفين ما يجرؤوش. ده بيقولوه ده ازا كان عندنا الصوفية لما يكون عندهم كتاب اوراد بيزعواها على  
المريدين بس ما بينبعش برة افكار الطريقة وعقيدة الطريقة اللي هم بيعتمدوا اليها ما بتتوزعش برة بين المريدين بس - [00:08:18](#)

حاجات الاذكار وال حاجات المهمة والفصل الفلاني والكتاب الفلاني بين المريدين مش يديها لاي واحد كده لا يقول لك هيتريرق ويخر  
اصله ما بيفهمش احنا بنوزعها على مين ها على اللي بيفهموا. ولو ولو وقعت في ايد واحد وهابي ابن كزا او عى لآ - [00:08:48](#)

طب ما توزع وزع وانشر مش هو صح لأ مش صح. يخافوا يوزعوا يخافوا يوزعوا ونفس الكلام. اما عندنا قرآن ما فيش صغير  
والكبير مسابقات وايه وخليل بالك لما يكون واحد يعني عاوز يعني عاوز يبين انه مسئول كبير يعني عاوز يبين ان هو راجل متدين وبيحب الدين  
يقوم يايها ها يقبل بتوع القرآن - [00:09:06](#)

والقرآن وادي جوايز لبتوعكم. معقول وبقى بعد كده يتحطوا في السجن مش مشكلة بس لازم ايه نعمل شوية حاجات كده تقول ان  
احنا ايه ها؟ بنحب القرآن. القرآن من العيال الصغيرة دول اه - [00:09:33](#)

وبناء والعيال تتصور معاه ايه يا عم اللي بتعمله ده اهل القرآن عام ليكي ليه كده؟ بنضحك على نفسنا ليه كتاب فعلا خالد قوي متين  
مش يحتاج حد يدافع عنه - [00:09:46](#)

ولا مستني حد هو اصلا قوي في زاته فالقرآن شف زي ما انا بقول لك كده الصغير والكبار بيقربيه. وما حدش قادر يعمل يمزقوه  
ويقولوا فيه ويطلعوا فيه عيوب ويطلعوا فيه - [00:10:01](#)

اخطاء ومش عارف ايه طلع يا اخويا برضو هو هو. هو بيطلع فوق وانت بها بتنزل تحت انت بتنزل تحت فلما تيجي الف لام ميم ويتجنبوها كده العلماء يجنبوها وتبقى اية مستقلة - [00:10:15](#)

لعلهم والله والله اعلم يعني ان خدوها من حديث النبي لان في اكتر منها في الحكام ها هي عين صاد الف لام ميم رام مش اية كده يعني هي اه كلام حروف مقطعة وتبدأ بها في القراءة بس مش اية مستقلة - [00:10:37](#)

مش اية ايه عندنا الف لام ها قاف واحد بالك؟ الف لام ميم في كل السور اللي بيضرب بها اية قائمة برازاتها كده فيها زمن من الاعجاز ما فيها. اول حاجة زي ما بقول لك انا كده التحدى - [00:10:51](#)

القرآن بيقول لكم اهو انا اهو انا مكون من الحروف اللي انتم بتتكلموا بها. اعملوا زبي بقى الف لام ميم الف لام ميم وطبعا قلت لكم طريقة القراءة نفسها وعلشان كده ما علهاش علامات ايه ها - [00:11:09](#)

انتم نسيتم ولا ايه؟ تنسوا اسمعوا اسمعوا الدروس الجديدة يا اخوة يعيدوا يعيدوا سمعاها تاني لانه سماع الدروس دي تاني ما تنفعش تتسمع مرة واحدة اسمعها مئات المرات كل ما تسمعها تطلع بفواید - [00:11:32](#)

وهتلاقي اسرار وهتلاقي ضرر مش مني لا من عند الله بس عيش انت الایات ايش الایات ما اتحطش عليها اي علامات ضبط لا فتحة ولا ضمة ولا كسرة. ليه؟ لان كل حرف يا اما حرفان يا تلاتة. هتحط العلامة على مين فيهم - [00:11:47](#)

يعني لام لام ديت تلات حروف اصلا الوسط حرف مد فيحيطها تحط عالمة الضمة والفتحة او اي عالمة تحطها على ميم فييش سم انك انك مش بتنطق الحرف عشان تشكله احنا بنشكل الحرف لو نطقناه - [00:12:06](#)

انما احنا ببنطق اسمه والاسماء ما بتتشكلش الاسماء ما ايه؟ لا تشكل. اه المهم. مناسبة الایة السورة يا اخوانا لسورة القصاص. سورة القصاص ختم الربع الاخير بالذات بان فيه فتنة في اهل دنيا. وعلى رأسهم صنم اسمه قارون - [00:12:25](#)

اسمه ايه؟ اسمه قارون جماعة بتوع دنيا ولهام امام اللي هو قوم فتنوا يعني فوق ختمت سورة القصاص بفتنة وبدأت العنكبوت بالحديث عن الفتنة شفت الصور عاملة ازاي - [00:12:52](#)

كل واحدة ماسكة برة تاخد الثانية بحضورها كده خلصنا الحديث عن سبب من اسباب الفتنة بدأنا في الحديث عن الفتنة على مدار اوسع شوية مش المال بس لأ كانت هنا عندنا فتنة بمال فتنة بدنيا فتنة قارون عنده فلوس وعنه وعنه - [00:13:16](#)

وافسدو بغي والناس اللي بتحب الدنيا فتنوا بقارون. وقالوا يا ريت يبقى عندنا اللي ايه ها اللي عنده. طيب نهايته ايه؟ خسر بعد كفر كفر فخسف به هتيجي صورة العنكبوت اول ما تتكلم تتكلم عن الایه - [00:13:41](#)

كان بدایة الحديث عن الفتنة لسة ما خلص هنكمله فين هنكمله في العنكبوت انه بدأنا الحديث عن فتنة في القصاص بس فتنة بنوع معين قارون مش ملك قارون مليونير بس - [00:14:02](#)

ولا وزير هو بس غني يبقى فتنة بمال والقرآن ما قالش ان هو عنده عيال كتير ما يتذكرش ليه؟ هو قال هيجي بقى صورة العنكبوت اول ما تتكلم تتكلم عن الفتنة بكل صورها واشكالها فتنه وایه ومش لقارون بس - [00:14:22](#)

يبقى اللي كان معنا ايه ها؟ قارون اللي بيحبوا الدنيا اتفتنوا طب ما عندنا هنا فيه فتنه بقى ناس ما بتحبس الدنيا هتنفتن برضه مش بتوع دنيا لازم يتيفدوا لأن الفتنة - [00:14:42](#)

زي المية اللي بنشريها وزي الهوا اللي بتنتفسه معقول اي ليه؟ هي كده هي كده بس البداية كانت فين في القصاص في نوع معين الف لام ميم كلام عن القرآن - [00:15:01](#)

الایه اه نعم ماشي حاضر لابد فيها من كلام عن القرآن. نعم قلت لكم ان انتهت القصة او انتهت في القصاص بانتهاء او يعني بنوع من الفتنة خاص بالمال قص بالایه؟ بالماء. بدأت بقى سورة العنكبوت تتكلم عن الفتنة بصفة عامة - [00:15:22](#)

ومش لقارون او مش اصحاب الدنيا بس كله بقول لك. فباقى ايه؟ الف لام ميم احسب الناس اي ناس الناس اللي هنا المؤمنين بس مش الناس كل الناس لا احسب الناس ان يتركوا - [00:15:51](#)

ان يقولوا امنا وهم لا يفتنون ان يقولوا ايه يبقى المقصود مين؟ المؤمنين المؤمنين وهم لا يفتنون اولا احسب الناس الهمزة دي

الاستفهام ده المقصود منه ايه؟ الاستعلام ولا المقصود منه الانكار ولا المقصود منه ايه - [00:16:11](#)

احسب الناس احسنا نستعلم عن ايه مشكور انكار انكار استفهام ده المقصود منه الانكار. وانكار ليه يعني اوعوا تفهموا المسألة غلط لازم تعرفوا المسألة على ايه؟ على وجهها. ايه هو وجهها؟ وجهها - [00:16:41](#)

هتقول انا امنت ببقى لازم تختبر معقول! طب وليه؟ من غير ليه يعني ربنا مكزبني ؟ لاؤ كذبك مصدقك ده موضوع خاص به هو سبحانه وتعالى موضوع انك لازم تتحسن - [00:17:12](#)

الفتنة الفتنة اصل الفتنة في اللغة يعني انه تحط الذهب في النار وتولع عليه يقوم يطلع الشوائب اللي ايه اللي فيه ببقى نضيف وكل ما الشوائب تطلع ببقى درجة النقاوة بتاعة دهب اعلى - [00:17:35](#)

واحد بالك؟ ولذلك عيار اربعة وعشرين احسن من ايه من واحد واحد احسن من ايه نقاوة نقاوة فالفتنة في الاصل كده نار بتطلع الشوائب اللي في الذهب فالفتنة في الناس - [00:17:57](#)

امتحان يطلع الشوائب اللي فيك انت قلت انا مؤمن ماشي يا مرحب تعال انت مؤمن لو سبناك كده فيك عبل مش كده ولا ايه عارف يعني ايه عمل فيك شوائب بلاش عمل. فيك شوائب - [00:18:15](#)

لازم الایه ها الشوائب دي تطلع هتطلع بايه ها؟ بالفتنة تقوم تبان بقى انت فعلاً مؤمن ولا زي ما كانوا بيقولوا آآ يعني بيكول عن الشیخ يقول لك طیوانی يقول لك ده شیخ طیوانی. سمعتوا المصطلح ده؟ اه. يعني ایه طیوانی يعني - [00:18:36](#)

مش مش ياباني يعني مش ياباني. لو صح بيكى ايه ها لو كان تیوان بيكى معروف ان فيه حاجة مش مزبطة يعني. المهم ها مش قصدي اه فلايد من الامتحان - [00:19:01](#)

يمتحن فاحسب الناس ان يقولوا امنا ان يقولوا يتركوا هم قالوا امنا وخلاص. هنسبيهم كده لا مش هنسبيهم لازم نمتحنهم عشان تبان الاصلية اللي فيهم بقى المراد من النص الكريم ان يصحح عندنا حاجة - [00:19:17](#)

مهمة جدا. عند مين؟ عند المؤمنين طب والمنافقين يروحوا في داهية والكفار داهيتيين. المقصود كل ده من مين ها؟ المؤمنين قرآن يصحح عندهم حاجة مهمة ها درجة ایوة لا ان قالوا امنا قالوا امانة - [00:19:42](#)

هيمرموا بالمرحلة وبعدين اه ان يقولوا امنا وهم لا يفتنون. قالوا امنا وخلاص. المهم فلايد انهم يمتحنوا عشان تبان جودة الایمان بتاعهم ده المقصود من النص احسب الناس يعني انكار يعني لا تفهموا القضية خطأ. افهموا المسألة على - [00:20:07](#)

وجهها طالما انت مؤمن ويتزعم انك مؤمن بيكى تمحن باي صورة بقى منصور الامتحان ما هو مش الامتحان مش موحد الامتحان مش موحد ده كل واحد له ايه ها له اسئلته - [00:20:33](#)

وكل واحد عنده اجابته ما فيش اجابة لكل المسلمين ولا السؤال لكل المسلمين. لا كل واحد له حاله ولذلك سيدنا النبي يقول في الحديث في بيان الامتحان والابتلاء اشد الناس بلاء - [00:20:51](#)

قال ايه؟ الانبياء ثم الامثل فالامثل ايه الامثل؟ يعني الرتب اللي بعد الانبياء خلاص الانبياء دول فوق خالص اللي تحتهم على طول في ناس رتب تحتهم. في صديقين في شهداء في كده - [00:21:08](#)

تحتيمهم رتب على قد رتبته في الایمان ورسوخه بيكون البلاء اهه شديد. بالنسبة للانبياء مية في المية تنزل تحت شوية تمانين سبعين خمسة وسبعين وانت نازل بقى فالامثل فالامثل بيتبلي العبد على بحسب دينه فان كان في دينه صلبا - [00:21:29](#)

صلبا يعني مش هيخرج من الابتلاء ده يروح في داهية ويروح النار صلب يزيد يزاد في بلاءه اشتد بلاؤه وان كان في دينه رقة يعني ابتلي على حسب دينه فما يبرح البلاء بالعبد حتى يتركه يمشي على الارض - [00:21:53](#)

وما عليه من خطيبة. شفت بقى البلاء مش وحش ازاي يعني تموت مكفنك كده وانت ايه ها كما ولدتك امك يعني مش يحتاج صلاة عليه بس احنا هنعرف منين؟ احنا ما نعرفش بقى - [00:22:20](#)

كما ولدتك امك بيكى دي الایة دي احسب الناس ان يقولوا امنا مسلها تماماً ام حسبتم ان تدخلوا الجنة ولما يعلم الله كلنا عاززين ندخل الجنة كلنا. طب ماشي - [00:22:39](#)

لازم نغربلكم لازم نغربلكوا ولما يعلم الله الذين جاهدوا منكم ويعلم الصابرين. ام حسبتم ان تدخلوا الجنة ولما يأتيكم مثل الذين خلوا من قبلكم. ها مثل الذين خلوا من قبلكم مشتهم يبقى ايه - 00:22:59

هتمسكم انتم رخرين هتمسكم مستهم البأساء والضراء وزلزلوا هتمسكموا البأساء وهم يمسكموا الضراء وایه؟ وهاتوا زلزلوا زيهم تماما وزلزل يبقى احسب الناس اي المؤمنون ان يتركوا ان يقولوا امنا وهم لا يفتنون - 00:23:20

اي ان الفتنة والاختبار امر واقع لا محالة لا محال بس خلي بالك برضو انا شايف دماغك ماشية في سكة واحدة بس الا وهي ايه؟ الفتنة بمرض بكزا. بالضراء يعني لا - 00:23:43

ده البلاء والاختبار والفتنة بالخير والشر ونبلكم بالخير بالشر والخير فتنة والي هنا ترجعون بنختبركم الاتنين بنختبركم بالشر والخير فتنة ابواب الفتنة كثير بقى. لما تقرأ القرآن هتللاقي ابواب يعني ايه ابواب فتنة؟ يعني حاجات ما بتتفتح على الناس - 00:24:03

اللي هيخلي باله يعرف ان دي فتنة واختبار هينجو ان شاء الله واللي مش هيخلي باله هيقع الابواب بقى كتيرة بقى. حاولنا نجمع كده ايه؟ ابواب الفتنة في القرآن قال عليها ان هي فتنة يعني - 00:24:33

محل اختبار يعني محل اختبار. يعني مواضع الناس بيمتحنوا فيها ويبتدوا فيها ويختبروا فيها. فيه طبعا اللي بيعدى وفيه اللي ايه؟ بيتربى اول باب من الابواب دي الاليمان بالامور العجيبة المرئية - 00:24:52

والغيبة لازم تؤمن بها طب بتفرق ايه؟ تفرق لانك انت لو ما امتنش بالغيبات بقى عندك دماغك ده هو المهيمن وهو الله اللي بتعدبه بقى كل حاجة في الدين طالما ما انتش شايفها ولا مسها وعايشها عرضة لايه؟ للنقاش والقبول - 00:25:15

والايه؟ والرفض تلفظ تلفظ لايه؟ مش داخلة دماغي مش دخلك مش مقتنع مش مقتنع معی ولا مش معی اه بقى اول حاجة ان تؤمن بالامور يعني ايه امور عجيبة؟ امور يعني العقل مش عارف يستوعبها - 00:25:42

مش قادر يستوعبها عجيبة فعشان هي عجيبة مش قادر استوعبها مش داخلة دماغي ان انت بقى خضعت للاشياء الاعجيبة دي للدماغ بقى وقعت في الايه في الفتنة. وممكن تكفر وممكن تخرج من الدين اصلا من غير ما تشعر - 00:26:06

مهم جدا تخلی بالك من الموضوع ده. بمعنى ايه بمعنى ان في حاجات غير خاضعة للبحس غير خاضعة للعقل تؤمن بها زي ما جت كده طب ما شغلش مخه يشغل - 00:26:27

في الفهم والاستيعاب ماشي انما ما ترفضش او عى ترفض ما تقييمش ما تدييش درجة قبول لاوراق. لا عيش معها وصلت لحاجة اهلا وسهلا ما وصلتش خلاص تؤمن بها زي ما جت كده - 00:26:42

عليه مش معی. حاجات كتير سواء بقى في صورة معجزات او صورة اخبار من النبي عليه الصلاة والسلام. اخبار بيخبر قوله تعالى مثلا على سبيل المسال امسلة كتير جدا بس على سبيل المسال انا مرسل الناقة - 00:27:00

ان مرسل الناقة. ما لها فتنة لهم فارتقبهم واصطبر الناقة دي اية من ايات سيدنا صالح مع صالح مؤمنون مش كده وفي كفرة المؤمنون امنوا خلاص نقى اه نقى ايه؟ خلي بالك طالعة من الصخر - 00:27:17

الناقة تطلع من الصخر المؤمنين بتروح صالح ولا اعترضوا ولا حاجة. عادي نشرب لبنا نشرب لبنا تعيش تبقى معنا تعيش معنا. اية؟ اية انما الثانيين مش داخلة الدماغ عقروها بقى عملوا ايه؟ وقعوا في الايه - 00:27:39

بالفتنة وقع في فتنة وهكذا اللي خدعا وسلم دي امور عجيبة ايوة امور عجيبة رب العزة اخبرنا في القرآن بحاجات فعلا انت دماغك ما يقدرش يستوعبها الكفار لما حطوها خضوعها للدماغ ما استوعبواهاش. لما يقول رب العزة مسلا - 00:27:58

عليها تسعه عشر اللي هي مين؟ النار. النار عليها ايه ها تسعه وما جعلنا اصحاب النار الا ايه ملائكة وما جعلنا عدته اللي هي ايه التسعه عشر الا ايه الا فتنة اختبار - 00:28:22

الله بقى تسعه عشر واحد يعزبوا المليارات دي كلها كلام ليه يعني الواحد قد ايه يعني ولذلك ابو جهل قال ايه؟ كل واحد يا جماعة يعني كل مجموعة يمسكوا لهم ايه - 00:28:48

اهم سکوا لهم واحد ايه تسعناشر واحد ايه وقع الصحابة استعازوا بالله منها مش كده ولا ايه ؟ استعازوا بالله فتنه انا بس بجي卜 لك  
الامسلة الحديث القرآن عن الفتنة فجاب امور غريبة واشياء غريبة وعجيبة - 00:29:01

الرسول لما طلع صلی الله عليه وسلم ليلة الاسراء والمعراج وقال انا شفته وشفت وشفت وشفت الاول لما قالوا للصديق نجح  
الصديق نجح في الفتنة. ما هو اختبر ولا ما اختبرش ؟ اختبر وقالوا له ده بيقول ده بحر - 00:29:22

بيت المقدس وجه. معقول الكلام ده قال لهم اه الصديق بيقول ليه لانه ما يخضعش الرسول لايه للعقل هم بيخضعوا الرحمة للعقل  
فشاوفوها ما تدخلش العقل فرفضوا الصديق لما قالوا له قال لهم ده انا اصدقه في خبر السماء - 00:29:40  
ده لو مش الا لو ما قال لكم كمان انا طلعت فوق في السما مش راح بيت المقدس فانا هصدقه فعلشان كده بيقول لك سمي الايه ؟  
القرآن قال جزئية دي. قال وما جعلنا الرؤية - 00:30:05

التي اريناك الا ايه ؟ فتنه اختبار يسقط من يسقط وينجح من ايه ؟ من ينجح. بيجي واحد مسلا دكتور طبيب يعني يقولوا له ده  
سيدنا النبي بيقول والحديث في البخاري طبعا مسلم لما بيجي يتكلم عن البخاري تلاقيه بيتكلم على البخاري بايه ها - 00:30:19  
بثقة كده صح ولا مش صح ؟ يقول لك ده الحديث في البخاري. طبعا العيال اللي انت هتشوفهم دول ها الاذناب دول اللي يقول لك  
اهي مذموم ابن ضلاله ده ولا اه مذموم ابن ضلاله - 00:30:42

يقول لك مؤسسة يهودية انت بقى فرحان بالبخاري اول الحديث ده تلاقيه في البخاري في كتاب الطب ان الرسول امر بشرب البان  
الابل وابوها يجي واحد دكتور يشتم في الحديث ويشتم في البخاري - 00:30:57  
وايه ده ايه التخلف اللي انتم فيه ده تشرب بول الابن ؟ تقول له يا رب اللهم انت القوي المتين ارزقه بحبة بلاوي في الكبد بتاعه يروح  
يشرب ايه ها ؟ بول الابل عشان يصدق - 00:31:15

ممکن ندعی عليه ؟ لا بلاش ما ندعیش عليه. طبعا انا بتكلم على واحد مش عارفيه ولا بتاع الكلام بصفة عامة يعني انا بتكلم بقى  
قصدي اقول نقول يعني ده بيجرب المرض - 00:31:33

وفي دكاترة بيمرضوا ولا ما فيش ها اه واحد بالك لما يجي له مشكلة في الكبد ويروح يشرب بول الابل. تقول له صدقت ويا حبذا لو  
شربوا ايه ها واتحسن يوه - 00:31:45

كده بقى هيصدق الشاهد الامور الغريبة والامور العجيبة والغريبة لازم اصل هي صعبة تدخل في زي برضه خد الاية دي  
كمان على شجرة الزقوم كان من ضمن الاسباب اللي خلواهم يرفضوا القرآن - 00:32:03

تقولوا ايه القرآن ده ؟ ليه ؟ يقول لك هي النار بيطلع فيها شجرة اه صحيح هي النار بيطلع فيها شلل ده النار بتاكل الايه تاكل الشجر  
لما يقول لهم وطبعا شجرة الزكوم والكلام ده كله في مكة والآيات دي في مكة - 00:32:24

ان شجرة الزقوم طعام الاثيم كالمهل يغلي. اذلك خير نزلاء ؟ ام شجرة الزقوم ؟ انا جعلناها فتنه للظالمين. انها شجرة تخرج في اصل  
الجحيم. معقول ! ايه ده في شجرة تطلع في قلب - 00:32:41

في جدر النار اي وتحتمل ايه دي انهم ستأكلها ؟ لا مش هتاكلها وھتطلع آآ سمر وھتطلع شمر زي ما هناك رمان وتفاح وقطوفها دانية.  
هنا برضه الزقوم بتاعها ايه ها - 00:33:02

داني هتاكلوا هياكلوا ؟ ايوة وتلاقي كده منزره على الشجرة مغري بيخليلك ربنا يعافيها ويعافي المسلمين. يخليله عاوز يروح يأكل.  
منزره مغري مغري وبعد ما يأكل عاوز ايه ها - 00:33:18

يشرب فانهم لاكلون منها. فايه ؟ اعوز بالله. فمالئون فمالئون يعني يأكل بنهم يأكل مش يأكل نقول الحمد لله لأ هات كمان لحد بطنه  
طويلة قوي قوي عاوز يشرب اعوز بالله - 00:33:39

من الشجرة ؟ ايوة طبعا ده الكلام ده لما تيجي تدخله لأ يعني ما يدخلش ان مفهوم الشجر الناس تاكلهم انما بقى قاعد كده واهل النار  
موجودين والنار موجودة والشجرة زي ما هي وعمالة تطرح تطرح - 00:33:58

مش هتبطل طرح ومتفرقة في كل اماكن جهنم والعياذ بالله. منين ما تمشي تلاقي فروع فروع في اي حته لانها طعام مين الاثيم

والاتيم ده موجود فين؟ في كل حته في جهنم في كل حته في جهنم فيها ائم - 00:34:15

فلازم ياكفل فالشاهد امور زي كده تدخل العقل ازاي لو هتدخلها على ما تدخلش فلازم تاخذ بها تاخدها تبقى ايه زمنت كده والا تبقى  
ايه ها وقعت في الفتنة كده تقع في الفتنة. لو لو اتدخل عقلك يبقى اه - 00:34:36

من ابواب الفتنة شيوع الشرك وانتشاره خمس اسداس العالم كفرة ومشركون والسدس ايه موسى دي من اعزم ابواب الفتنة. ليه لانك  
شرك كتير الاصل ايه؟ الاصل منين يحاصر ويقوقع ويختنق - 00:34:57

اتخنق خالص لما روحه تطلع ده الاصل ليه كده؟ هو كده ما هو ربنا خلق الاسلام عشان يخنق الشرك. خلق الایمان عشان يخنق الكفر.  
خلق المسلمين عشان يضيقوا الخناق على - 00:35:25

الكافرين. طب ليه؟ مش لكم دينكمولي دين؟ ايوا بس لازم الهيمنة تبقى للمسلمين. لكم دينكم خلیکم فيه. دینا مش محتاجكم ولا  
بيعتز بكم. بس ادفعوا دمن الذل وہتزلونا ليه؟ هو كده - 00:35:42

ربنا اللي عاملنا كده ربنا اللي عاملنا اعزه وعاملكم ايه من الذين اتوا الكتاب حتى يعطوا الایه؟ عن يد وهم صاغرون. صاغرون يعني  
ايه ذليل مش عاوز يدفعها امال بيدفعها ليه؟ خايف مني معقول بقى احنا اه هنوصل للدرجة دي - 00:36:02

هنوصل زي ما كان اسلافنا كده. اسلافنا كانوا كده واحسن من كده كمان وعيسي هيجي يعمل كده ده هيتحايلوا على عيسى عشان  
يأخذ الجيزة مش هيرضي ياخذنا كمان لان احنا لما قالوا لنا خدوا الجيزة هناخدتها ونسكت. ما لناش اكتر من كده - 00:36:26

ده لو يعني بفرض من ربنا سبحانه وتعالى اعزنا وقالوا لنا خدوا الجيزة ناخدوا الجزية ونسكت ونسبيهم في حالهم وخالص ونشوف  
غيرهم لأ ده عيسى بقى مش هياخدتها كمان خدها يا عيسى وسبني وقل لي لا لا خالص - 00:36:42

الجيل بتاعكم الجيل ده انتهي. انا انا جاي عشان اخلاص كل حاجة فالشاهد شيوع الشرك وانتشاره منتشر مالي الدنيا انا بقول لك  
خمس اسداس العالم كفرة والصوت وبا ريت حتى الصوت صعيدي - 00:36:56

ها فشيوعه ده فتنه. فتنه لمين؟ فتنه اللي هو ما اسلمش خالص يفضل مستمر على الایه على الشرك لان هو ده اللي موجود الكل  
الاسلامي المضيق عليه والناس خايفه منه ومحارب وكذا ده - 00:37:16

وفتنه لمين؟ للي جوة في الاسلام وضعيف الایمان رب العزة يقول ايه؟ فترى اللي جوة بقى اهو. فترى الذين في قلوبهم بهم مرض  
ها؟ يسارعون فيه بيسارعوا منين طالعين من هنا - 00:37:37

رايحين فين رايحين جري يدخلوا فين في الشرك فترى الذين في قلوبهم مرض يسارعون فيهم انت شفت حد مسلا مسلا بياخد  
جنسية مصرية ها نفسى ما شفتش او جنسية سعودية ما بترضاش تدي - 00:37:54

جنسية مسلمة يعني مسلمة او جنسية افغانية ايه يا عم القرف ده انما جنسية امريكية لتعطي الاجر تعطي الاجر جت له. مش كده ولا  
ايه؟ انجلزية مش هو ده اللي موجود - 00:38:17

لذلك رب العزة في المسألة دي بالذات يقول لنا ايه بقى وقاتلواهم دي تعود على مين بقى؟ على المشركون. على غير المسلمين  
وقاتلواهم حتى حتى دي غائية غائية يعني ايه؟ تفضلوا تقاتلوا لحد ما يتحقق الكلام اللي ما بيتحقق لكم داوه - 00:38:35

حتى لا تكون فتنه ويكون الایه الدين كله لله. اهي دي بقى اللي هتطبق حرفيا باید عيسى واللي معه عيسى واللي معه هيطبقوها  
حرفيا حتى لا تكون فتنه ويكون الدين كله ايه - 00:39:00

مش هيتحقق الا في زمن عيسى بقى دي بالذبيط كله لله فعلا لان الرسول قال كده. قال له وايه وبيبيد الله سبحانه وتعالى في زمانه  
الملل كلها كل الملل هتهلك وتنتهي. فالشاهد - 00:39:26

يبقى من من ابواب الفتنة اللي مفتوحة على الناس طب وانت انت مسلم برضو باب فتنه مفتوحة عليك ومفتوح عليك وساعات  
تفتحه وانت على الضلاليين بمزاجك عارف انت لما تدخل عيالك في مدارس اجنبية - 00:39:45

فتحت عليهم باب الفتنة بشيوع الشرك وانتشارها ليه؟ ما هو ان الشرك اللي له وطن وله مكان وله لغة جبتها انت في بيتك وعلمتها  
لبنتك او ابنك او حفيتك خالص الولد بقى ايه تبعهم وهيكبر ويكمel - 00:40:03

وهيسيبك ويروح لهم وين ما سابكشي هيقعد عندك ضيف بس انما هو قلبه وقالبه كل فين مع المشركين. فتنة خلي بالك دى احاسب. طب وانت هتدخله اجنبي امتي؟ لما يكون معك فلوس. انما اموالكم واولادكم - 00:40:26

اه ما انتاش عارف تدفع له مصاريف المدرسة الحكومية يبقى مش هتوديه لايه قال له ما دا انت هتقديم التماس للمدير يعافيك من الايه بالمصاريف يبقى مش هتروح فين من ناحية اللغات يبقى اصبح كده مش مالك وولدك ايه - 00:40:52

بيتنا واحد بالك من الفتنة جاية ازاي اهي؟ اه في شيوع الشرك وانتشاره. انت بتشيعه بتنشره بتقول له واحنا على مستوى مسلا مصر كلها بتنشره ونشيعه مسلا في الطب ليه الطب ما ييقاش عربي - 00:41:11

ليه يعني ما يتدرسش بالعربي ليه مش هيبقى طب هيبقى طب ولا مش طب ها هيبقى طب ولا مش طب ما يدرسش بالعربي ليه ونجبي اللغة العربية ليه كده واقعين في الفتنة - 00:41:32

واعن في الفتنة ويبقى فيه معامل بس في البلاد الاسلامية معامل لغات بس مش كلية يبقى معمل ترجم لنا اي حاجة برة اي حاجة برة في اي مجال من مجالات المعرفة بتترجم - 00:41:54

ونشوف ايه اللي فيها وندرسها بالعربي في كل المجالات والا يبقى احنا كده بنشيع ايه نشيع الشرك وبنشره ووقدنا في الايه دى الفتنة احسب الناس ان يتركوا ان يقولوا يا اخي ده الرسول عربي - 00:42:17

واللي حواليه كلهم عرب كان ايه في اسرى بدر اللي عاوز يفدي نفسه كان بيلزمه يعلم ايه؟ افتكرا كده تعلمهم ايه بالانجليزي ولا بالعربي؟ فهم عرب ولاد عرب صح ولا مش صح - 00:42:41

بس بيتكلم لكن محتاجينه يكتب. علم القراءة والكتابة هو بيتكلم عربي اه يقول له علم مع ان دى لفته ولغة القوم ولغة البلد علم اه شيوع الشرك وانتشاره فتنة عدم موالة المؤمنين. باب عزيز جدا من ابواب الايه؟ الفتنة - 00:43:03

عدم موالة المؤمنين. امال نواة لمين؟ ما احنا بنواي الكافرين انا منقىلك كل مواضع الفتنة اللي في القرآن اللي هي ممكن تتفتح عليك قال رب العزة سبحانه وتعالى في سورة الانفال والذين كفروا بعضهم اولياء بعض الا - 00:43:33

تفعلوه. الضمير ده يعود على ايه تفعلوه توالى يوانى بعضكم بعضا. ما هو الكافرون الذين كفروا بعضهم ايه؟ يبقى المفروض الذين امنوا ايه الا تفعلوا الموالة يوالى بعضكم بعضا الا تفعلوه تكن فتنة - 00:43:55

هتقعوا في الفتنة هتقعوا في الفتنة تكن فتنة في الارض وفساد كبير وده اللي حصل دلوقتي في شوية كده عباءات صهيونية ولحي صهيونية ومنابر صهيونية ما تستغريش منبر صهيوني اللي واقف على المنبر ده صهيوني - 00:44:26

ممكن يبقى اسمه محمد بس صهيوني صهيوني اللي لابس العباية الاسلامية دي صهيوني اللي بيخطب ده هو صهيوني لا تستغرب صهيوني صهيوني. ليه؟ يسب ويلعن في المستضعفين ومسمييin كده جهادهم بيسموه. تسمع ساعات يقول لك طوفان الايه - 00:44:56

الاقصى بيسموه طوفان الخراب بيسموه طوفان الخراب خراب والي يسب فيهم ويلعن والي بيدعى عليهم والي بيقول لأ ده ما يستحقوش اي مساعدة من اي نوع المبتدعين ما شاء الله! مبتدعين - 00:45:23

مبتدعين امال مين اهل السنة او مال مين الملزمين لما دول مبتدعين اراضيهم وتتآخذ ودنياهم خربانة واقصانا بلاش هم خالص. اقصانا اللي ما حدش هي دي بقى الا تفعلوه تكن ايه - 00:45:46

وقدنا في الفتنة وقعدنا في الفتنة بدل ما يعزز بعضنا بعضا لا وانا في الفتنة لما يكون عندنا صورة احنا دلوقتي احنا في سورة الايه؟ ها بعدها مباشرة سورة الايه؟ امسك في الروم دي - 00:46:09

شرط الروم برضو الف لام ميم ها غلبت الايه؟ الروح طب ما تغلب احنا ما لنا ومال الروم بتتغلب ايه الروم دي ما هي الروم ما تفرقش عن اليهود والنصارى اليومين؟ هم زي بعضهم - 00:46:29

غابت الروم. في ادنى الارض وهم من بعد غلبهم سيغلبون. في بضع سنتين لله الامر من قبل ومن بعد ويومئذ يفرح المؤمنون بنصر الله افتتحت سورة الروم بقوله تعالى الف لام ميم - 00:46:51

غابت الروح طب ايه علاقة الرسول عليه الصلاة والسلام بالروم وفارس وعلاقة المسلمين بالموضوع ايه يغلبوا ويغلبوا كلهم شكل بعض بس ممكن يبقى فيه تفاوت شوية دول كفرة دول الكفرة - 00:47:11

دول كفرة وعندتهم كتاب بس في النهاية كفرة وفي النهاية يبقوا في جهنم كلهم في جهنم غابت الروم لأن المشركين شكل فارس مشركين بيعبدوا حجر وفارس بتوزع بو دينار - 00:47:32

فشكل بعض معدهمش كتاب ما عندهمش تصور للله حتى ولو يعني ايه مشوه اما الروم دول اصحاب كتاب نصاري عندهم تصور الله مشوه بس فيه كتاب عندهم شيء من من الاخلاق. عندهم شيء كذا كذا - 00:47:53

زي مسلا زي القرآن ما قال ومن اهل الكتاب من ان ايه تأمنه بقسطار يؤده اليك. ومنهم من ايه اه فلما غابت الروم اللي هم عندهم ايه؟ ها؟ كتاب شمت المشركون - 00:48:19

في المسلمين اللي هم عندهم برضه ايه؟ كتاب. يبقى انت هتتغلبوا وهتتهزموا فتنزل السورة تطمئن مين؟ ها المؤمنين ان لا الروم هتغلب غابت وسيغلب في ايه في بضع سنين يوم ما يغلبه هيفرح المؤمنون مش الروم. هم الروم هيفرحوا طبيعى. اي واحد بينتصر بيفرح - 00:48:41

هيفرح المؤمنون بنصر الله نصر الله لمين؟ لاي حد بيقرب من كتبه وانت معكم الكتاب ومتمسكين. لذلك حتى كان نصر الروم صادف يوم بدر نصر الروم صاد فيهم ايه؟ ما علينا - 00:49:14

الشاهد من الكلام ايه؟ يعني دول مستضعفون ودول هم المرابطون حول قدس المسلمين او اقصى المسلمين وبيشوفوا اللي بي Shawfوه والعذاب والويل نسرح لهم يا راجل ده المسلمين الاولئ فرحوا للروم اللي داقيق صليب - 00:49:37

لما غلبو ما نفرحش للمسلمين الموحدين يبقى اللي بيقول حاجة غير كده ومنسعدش نقول عليه صهيوني مش عاوزة الكلام بقى هو يقول اللي يقوله. لكن هو صهيوني قولوا واحدا. يعني عدم موالاة المؤمنين باب عزيز من ايه؟ ها - 00:50:06

من ابواب الفتنة خلي بالك منه اخر حاجة معنا النهاردة مخالفة السنة في قليل او كثير. باب من ابواب الفتنة ازاي يعني انت ما بتعملش كذا ليه؟ يقول لك اصل دي سنة. لا والله - 00:50:33

ما احنا عارفين ان هي سنة برضو ما بتعملهاش ليه اهي دي فتنه اهي دي فتنه ما هي السنة هتجيب سنة اكتر منها شوية. والسنة هيجيبوا ايه للفرض فتبقى وقعت في ايه في الفتنة - 00:50:53

لذلك رب العزة يقولون في اواخر سورة النور لا تجعلوا دعاء الرسول بينكم كدعاء بعضكم بعضا. قد يعلم الله الذين يتسللون منكم لوادا فليحذر الذين يخالفون عن امره امره بقى الكبير ولا الصغير ولا الوسط؟ اي امر - 00:51:18

فليحذر الذين يخالفون عن امره افقاها تصيبهم فتنه او اصيبيهم عذاب اليم خلي بالك من دي. هقول لك انت مسلا مسلا يعني انت مطول الجلابية ليه هو البنطون ليه ما تأسر البتاع ده؟ تقول يا عم ما فيش نية في التكبر خلاص لا والله - 00:51:46

بس برضو قصره شيله انت عاوز تتعزب بحثة قماشة اربع قراريط ترضى يا راجل تتعزب بسبب حثة قماشة اربع اراضي تبقى راجل دماغك مزبوجة ولا دماغك فيها حاجة؟ ما ترد يا عم - 00:52:14

ها صح ولا مش صح تقول اصل ما فيهاش حاجة ما فيهاش حاجة ليه ما فيهاش حاجة مهدي هتجيب دي وهتجيب لي وهتجيب دي ايه لازمة بيعملوا ايه يعني؟ - 00:52:34

شكل البنطون يبقى مشنكح كده متشنكح ايه يعني هاد الحاسوبية وكعب رجلك بيان ما بيان انما لما يجي من برة بنطون فوق الركبة تلاقي الراجل منزره شيب عايب وماشي به في الشارع - 00:52:55

ايه يا راجل انت يقول لك ايه يا عم انت باین عليك فلاح فلاح طب وانت ايه انت ايه بقى؟ انا فلاح وانت؟ هم ما بقاش عادي بقى مش مشكلة عادي - 00:53:18

وركبه باین وعنه تقوس في رجليه ومنظر رجليه يقرف كله على بعضه كده عاوز يكهن من بعد بتوع الخردة انما لما قلنا له سيدك النبي بيقول لك بين كعبين رجليك - 00:53:36

ما رضاش بيبنها لما العيال من برة جابوها عملها وايه اللي بيحصل دي فتنة ولا مش فتنة فتنه ويلبس ويقعد معه ويقابل  
ناس وكل حاجة خالص خالص اتحرکوا وشيك ولباقي ايه ده يا عم ده - [00:53:49](#)

ايه ده وقع في الفتنة طب بص لشعرك بص لمزرك الرجال العيب مش كده اصل انك وقعت ولا قربت تقع بختيشي عادي مخالفة  
السنة برضو تبقى حريص كده تلقى الله - [00:54:13](#)

منظرك جميل ولحيتك حلوة. مما سمعت انا ما قرأتش الشيخ ابن عثيمين عليه رحمة الله اصيي في اخر حياته بسرطان وسرطان  
والكيماوي او الادوية خففت وزنه اللي وصل لوزنه حوالي سبعة وتلاتين كيلو - [00:54:32](#)

عليه رحمة الله الدواء الكيماوي قالوا له لو خدته او يعني الدواء ده من اساره الجانبية بيوقع الشعر قال اي شعر؟ قالوا له اي شعر؟ هو  
شعر اللحية؟ اه قال لا مش هاخده - [00:54:53](#)

اخد اي دواء تاني وخلاص والقى الله بلحيتي القى الله بلحيتيه فليحذر الذين يخالفون عن ايه عن امره مهم جدا يا اخوانا اوعى  
تستهتر باي سنة مش لازم يعني مش مهم قوي لأ كل حاجة مهمة. اتهم نفسك بالتقصير. وسل الله ان يثبتك - [00:55:11](#)  
ويخلني عننك عزيمة وهمة وتنفذ الحاجة دي. انما اوعى تنز لها نزرة بساطة يا اخي ده الرسول عليه الصلاة والسلام طب وهو  
يحدسنا عن تواضعه مواضع الرسول عليه الصلاة والسلام طبعا ما لوش حد - [00:55:37](#)

حاجة فوق الوصف والله العزيم فوق الوصف يقول لو دعيت لكراع لقبلت هو ما حدش دعاه بس يقول لو دعيت له قراع لقبلت.  
يعني عاوز يقول لنا ايه؟ عاوز يقول لنا - [00:55:57](#)

ما تكسرش بخاطر أخيك المسلم لو عاوزك يعني يقعد معك يقدم لك اي حاجة. مبسوط بوجودك بيترشيف انك عنده في البيت مسلا  
اووعى تستهين بالمسألة دي تقول انا معوضها هعوضها له اعوضها له - [00:56:23](#)

هبقى مسلا ايه اراضيه بالف جنبيه ولا حاجة انا عارف زروفه هو عاوزك انت او شحمنك ولحمك وفلان ده دخل بيته وفلان قعد عندي  
وفلان اتغدى معى مسلا. هو عاوز دية - [00:56:44](#)

مش عاوز فلوسك عاوزك انت اووعى تستهين اووعى تستهين باي حاجة في السنة تقول مش يعني مش لازم دي لأ بيقول لو دعيت  
لقراعي لقبلت. مين اللي هيديعيه لكراع؟ الناس البسيطة او اي - [00:57:00](#)

الناس الفقراء قوي. هم مين؟ هو ايه القراء اصلا؟ عارف القراء ده ايه؟ كوارع المعيز مش مش العجول مش العجول مش كاره اللي  
كاره العجل فيه نخاع وفيه جلد وبيتوع نخبط ونطلع حاجات منه. صح ولا مش صح؟ ده رجل بكام دلوقتي - [00:57:19](#)  
ها؟ الرجل مبلغ ده انا هرم ادعىك على كوارع ده انت هترقص وهتشكرني وهتكتب على الفيس ولا ايه كارع العجل وفيه نخاع في  
البتاب وشغالانة كده. وفتة وبتاع كاره المعيز ده ما فيهوش معزة او شاي الغنم ما فيهوش حاجة - [00:57:38](#)

الرسول صلى الله عليه وسلم بيقول لو حد دعاني هالبي الدعوة عاوز يقول لنا ايه؟ عاوز يقول لنا ان اخوانكم المسلمين يعني  
مستويات مختلفة ما تحرجوش وروح فهو بيفتح الباب لنا وبيقول لو دعاني الى قراع قراع لقبلت - [00:58:02](#)

يعني يا ناس اوعوا تستهينوا باي حاجة وقال في حديث تاني لا يحرقن احدكم من المعروف ايه؟ شى. ولو ان يلقى اخاه بوجه ايه  
اتقوا النار ولو بشق فما تجيشه انت بقى - [00:58:27](#)

تقول ايه؟ يعني الموضوع ده مش لازم اصل دي سنة. ليه سنة؟ سنة. اعملها طب انا مش قادر اعملها ما يجراش حاجة. حاول مش  
 قادر خالص دلوقتي ما يجراش حاجة بقى. بعد ايه - [00:58:41](#)

مسلا يعني بعدين بعملها بس تبقى في نيتك ايه انما تستهين بالحدث. مصيبة يا اخوانا والله العزيم الاية واضحة في سورة النور.  
فليحذر الذين يخالفون عن امره عن امر الرسول الصغير والكبير اي حاجة - [00:58:54](#)

ان تصيبهم ايه؟ فتنه او يصيّبهم ايه عذاب اليم نكتفي بهذا القدر ونسأل الله ان ينفعنا بما علمنا وان يعلمنا ما ينفعنا وصلى الله  
 وسلم وبارك على نبينا محمد - [00:59:13](#)